

Zeitschrift: Le nouveau conteur vaudois et romand
Band: 88 (1961)
Heft: 3

Artikel: On Tsarivarei monstro !...
Autor: D.A.
DOI: <https://doi.org/10.5169/seals-232251>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 13.01.2026

ETH-Bibliothek Zürich, E-Periodica, <https://www.e-periodica.ch>



On Tsarivarei monstro !...

On lou va onco de tein z'ein tein, dien lou velâdzo, tcheu poueniscion de tsarivarei, é ne manquon pâ sovein kan lé on vévo ke la saré veneu à l'idé de s'abrévâ na séconda féna, suto se lé on type tanmené taraborgni io bin on bokené ieusson, lé dzein se muson ke ne dévré pâ se messâ de cein !... Et cein va derâlé tré demeindze ke publion lou ban u laze.

Lein fan à tan po lé vévé troa pres-sâie de sa lachi bouetâ la pata su...

Lé cein ke lé aravo dien on velâdzo la ia dza on par'd'an é cein né pâ n'einveinchon, veu peudé le crare.

L'époeu l'ire dza su l'âdzo, on de tcheu bon tepegniou ke n'en pâ einveinchenô l'algèbre mé fassa honétamein son metié de cordanié. L'ava su trovâ na véva à son go : bin venienta, bin campâie é bouna fortzata.

Le premi dzeu ke l'en publia lou ban, vè le tâ na groussa beinda de galupian ke s'iran einteindu n'en pâ manquo de se trovâ u déra train à guegni pè sé cotsé ! Kan le train lé arevo, à l'heura, lou cieurieu l'en pèchu davoué silouété ke felâvan, dien la nui, à grou peco, ein rasein lou mu. Cein a ito le signal : jami on n'ava pèchu tan k'adon, on paré tintamâre : senaillé, toupin, tavé, utso, to cein bruzive avoui on broué d'einfè ! « Hein ! on lou z'a zu lou dou fouyatif ! l'en bin ito pra lou dou z'amoureux ! », é de se tordre de reire !

N'en pâ tan rei, le leindeman, kan l'en apra ke lou dou z'épœu ke se dotanvâ de l'afire, s'iran einteindu avoui dou type, on vetei ein féna, toué dou d'acco de dzeuyi la fâce à ç'ta groussa beinda de crenéré !

Du tein ke lou sornayon se tordâvan lou bri po fire preu de broué avoui leu senaillé, lou dou z'amoureux se démorâvan bâ pè Veva su dé carrousel, méma-mein su dé tobogan tan l'iran pra l'on de l'âtro. L'iran deveneu kemein dé z'einfan à l'âdzo io on dzeu e u mâbro !

U velâdzo, nion na veule ke ça de ke l'avaian ito u cortège, tan l'iran à creinta d'ava ito dzeuia de c'ts mouda ! Le ple meintieu l'ire onco cé ke l'ava trakacha é barato la ple groussa campan'na !... La leçon l'a ito bouna : d'y cé dzeu, vévo é vévé l'en pu convolâ dien la pi roucoulà cheu leu cein itré déreindgea pè on ridiculo tsarivarei !

D. A.

Danger... et danger

Pè vè Tzêêude, oun dzovëno moniteur dè ski lha sôovâ 'na brâva è rêtze vèva kyë s'îre pèrdhouà p'à nhèi dôü byë dè Tzô-dè-Moun.

Oora, i fôurre prèssèn dè sôovâ ô moniteur d'à vèva.

* * *

Vers Noël, un jeune moniteur de ski a sauvé une jolie et riche veuve qui s'était perdue dans la neige du côté de Chaux-de-Mont.

Maintenant, il serait urgent de sauver le moniteur (de la veuve).

Djan d'à Gouëtta.

*Favorisez les annonceurs
du « Conteur romand »*